

kat.komp.
14063

III

Mag. St. Dr.

P

Gymeriski Joannis Leones amoenissimae?

PANEG. et VITAE

Polon. Fol.

JE 107

C

TH

M



LIBRARY OF THE
UNIVERSITY OF CHICAGO

A. M. D. C. L. X. V. B. y. s. v. M. J. C. H.

ICONES AMÆNISS.

SERENISS. ATQVE AVGVSTISS.
Dñe, Dñe

CÆCILIAE RENATAE
REGINAE POLONIAE,
&c. &c

d. c. q;

QVIBVS

THOMAS DELLABELLA Venet. Pictor S.R.M.
inventionem

M. vero IOANNES CYNERSKI RACHTA-
monius, Coll. Maior, Eloqu. Profess. Tylicianus,
lucem publicam carmine dedit.



C R A C O V I Æ;

In Officina Typographica Francisci Cesarii, Anno 1641.

Ps.

AD SERENISS. INFANTEM
 SIGISMUNDUM CASIMIRVM,
 Poloniæ & Sueciæ
 PRINCIPEM.
 &c. &c.



Regie cresce Puer, Magnorum Gloria Regum,
 Ingens spes Patriæ; Regie cresce Puer.
 Regie cresce Puer, virtutis Germen Avite,
 Presidium Lechi, Regie cresce Puer.
 Regie cresce Puer Regno, Regique Parenti,
 Servet Te Astripotens, Regie cresce Puer.

Casimirus Georgius à Siecín Kraśicki, Capit. Dolinś.
 Vexillifer Halicien. Stud: Eloqu.



In Iconem Auspicatis. Aduentus,
in Poloniam,

Sereniss. atque Augustiss. Dñe, Dña

CÆCILIAE RENATAE
DEI GRATIA
REGINAE POLONIAE,
&c. &c.

Fælix vndiq; præsidium.

Postquam CÆCILIA, est Regina, RENATA, Polonis
Reddita magnanimis, fausta per auspicia,
Ecce triumphatrix gaudet Venus, & chorus omnis
Cælicolûm, properis plaudit in agminibus.

Ipsa fauet Regina Deûm, cum Pallade, Iuno,

Vna eademque simul Sede stetere Deæ.

Prima refert primum, cælo Sapiencia donum,

Approbat eximium Relligio Alma decus,

Suspicit & Pacis nutrix Concordia, præsto &

Magnificas Dominæ commodat ipsa manus.

Hinc moderata Quies animi, hinc Clementia constans,
Hinc & auita Fides, munera spontè ferunt.
Hinc Fauni, Dryadesq; alacres, Nymphæq; Sorores,
Indulgent choreis, culta per arua nouis,
Dispereunt subitò, fraudesq; , doliq; , rapinæque,
Insidiæque truces! Hæresis atra fugit.
In quorum subière locum, Prudentia fortis,
Et concoctum Fas, & sine nube Dies.
Quas tandem memorare tuis, ô Austria, grates
Condignas donis, ora Polona valent?
Tu nostram, missâ iunxisti tibi Pallade, Gentem,
Firmasti que sacrum fædus amicitiae.
At Deus Imperijs bona cuncta vtrisque subornat,
Auet & infractas Posteritatis opes.
Diues equis, frugum facilis, pretiosa metallis,
Principibusque potens, Austria amæna viges.
Nostra viris, & libertate Polonia gaudet,
Aris proque focis fortia bella gerens.
Fælices Aquilæ, fælicia fædera, fælix
Connubium, iunxit quod pietatis honor.

In lco-

In Iconem, Fæliciff. Coronationis,

Sereniff. & Auguftiff. Dñe, Dñe

CÆCILIAE RENATAE,
REGINÆ POLONIÆ &c. &c.

Iuftus Relligionis honos.

Fama canit, magnis reboat clangoribus æther,
Cæleftifque Phalanx currit in obfequium,
Florida Relligio, auguftam de more Coronam,
Dum ponit Capiti, ritè RENATA Tuo.

Protinus Afræa (ingenti Comitante caterua
Virtutum) confert præmia iufta Tibi.

Hinc Pax, priſca Fides, Candor, Sapientia: at inde
Conſus adefſt vigilans, caſtaque Sobrietas.

Libertatis amor, rigidi patiensque laboris

Manſuetudo, Pudor, Faſque; Piumque recens.

Et veri ſtudio, & pulchri reuerentia Honeſti,

Et Comitas ſolidis prouida muneribus.

Magnanimique tenax animi Prudentia. Iam Res

Publica noſtra poli eſt condecorata bonis!

Virtutes tantæ cum oriuntur in Orbe Polono?

Quàm fælix tantis Sarmata diuitijs!

Aurea Secla renaſcentur, REGINA RENATA

Cum firmat nobis Relligionis opes.

In Iconem, Festi Natalitii,

Sereniss. Infantis.

SIGISMUNDI CASIMIRI

Poloniæ & Sueciæ

P R I N C I P I S

&c. &c.

Quàm Fælici Sydere natus !

DUm roseo surgit properans Aurora cubili,
Sponteque purpureum spargit ab ore iubar,
Præscius Altitonans, stellarum in principe Circo,
Concierat Patres lumine sydereos.

Tum Comitatus nitens, & lætâ voce serenus

Nunc ait, ô Proceres, promite lætitiâ,

Promite lætitiâ, mecumque insistite longam

Fatorum seriem, voluere mente pia.

Ecce recens lucem generosam Principis hausit

Infans Sarmatici, lux bona Sarmatiæ.

Corde, manu, meritis, imitabitur ille parentem

Magnanimum, quem iam lumine, & ore refert.

Ille pharethratas contundet robore Gentes,

Hinc Suecibus patrium conferet imperium.

Spar-

Spartacus hunc fugiens Regnis ditabit opimis,
 Hunc Moschus Dominum iure vocabit amans.
 Sic ait Altitonans, Superi applausere Tonanti,
 Plausibus applausit promptus vterq; Polus.
 Ocyus hinc gaudens properat Tritonia Virgo,
 Ut Matri fœlix nuntiet augurium;
 Atque salutato puero, lectâque Parente,
 Pandit honorati, Fata benigna, chori.
 Incipe parue puer risu cognoscere Matrem,
 Cui roseus ridet Phæbus in axe Poli.
 Atque serenati ridet Comitatus Olympi,
 Ridet & Alma Venus, Iunoque propitia;
 Et Veneranda Ceres, Pomonaque in arbore diues,
 Prouidus & ridet sydere Mercurius;
 Et rident Charites, doctæ ridentque Camænæ,
 Promptus in obsequium ridet vterque Polus.
 Et quanquam vultu toruus Mauors, tamen ipse
 Arridet, longâ cuspide bella gerens;
 Tu Bellator eris, rigidis fortissimus armis,
 Aurea progenies temporis huius eris;
 In Te nunc recidit Magnorum gloria Regum
 Es meritorum Hæres, Indole magnanimus.

Romus Profusus Mox
 J. G. J. B. J. B.

Mox vicina in Te plebes, Equites, Procereſque
Spem, vultum, ſtudium, lumina coniſcient.
En plenus propenſis feruet Amoribus æther,
Magna Parens fundit, dum Tibi diuitias.
Quid dubitas? Caſtella, Vrbes, Arceſque tuere,
Atque nouo Patriam crede ſub axe dari.
Quæque ferax longè ſpatiis ingentibus Eos
Colligit, hæc Tua ſint Magne Puellæ bona.
Prende perauuſtas, Regnorum dona, Coronas,
Sceptraque virtutis præmia iuſta Tuæ,
Hæc inter Septem radiant ſpectanda Triones,
Iſtis poſteritas gaudeat Alma frui.
I Victor, quo Te Tua fata vocant, pede fauſto,
Et ſeculis viuas innumerabilibus.
Vos haurite ſacros iuuenesque ſeneſque liquores,
Hauriat à vobis vt bona poſteritas.
Inde Poëtarum conſurget amabile carmen,
Hinc lucrabuntur præmia digna Sophi,
Nam inuiolata Fides, dum Faſque piumque manebit,
Parnaffi nunquam flumina deficient.
His Pallas dictis abiit, multamque reliquit
In Matris niueo pectore lætitiā.



